

DE LAVDIBVS
LEONIS X.
PONT. OPT. MAX.

almi Athenæi Romanæ Academiæ
beneficentissimi quondam Patroni,

CONCIO FVNEBRIS:

HABITA

*ad honorarium Tumulum inter anniversaria Sacra
in Æde Sapientia, VIII. Id. Febr. M. DC. LX.*

A B

IACOBO ALBANO GIBBESIO, BRIT. M. D.
PVBLCO RHETORE:

*Biblioth.
Schol.*



*L. Pant.
Piaro*



ROMÆ, Typis Dragonellianis, M. DC. LX.

SVPERIORVM PERMISSV.

THE
JOURNAL OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 11
PART 1
1881

1881

3
E M I N E N T I S S I M O
P R I N C I P I,
S F O R T I A E
P A L L A V I C I N O,

S. R. E.
C A R D I N A L I A M P L I S S I M O



Literarum bonarum omnium compoti, & Patrono :



I A C : A L B : G I B B E S I V S , M E D : D O C T :

S. P. D.



A V D A R A M his diebus He-
rôa Mediceum, S F O R T I A P A L -
L A V I C I N E , *præstantissime Car-*
dinalis, *florem illum delibatum*.
Pontificum Maximorum, Leonem
Decimum . Atque ità laudàram,
vt, cùm humanæ virtutis numeros
expletiet omnes, cum etiam animalium regis, à quo
mutuatus erat nomen, non re solum æmulari præcipuas
dotes, sed etiam longè multùmque superare ostende-
rim . Quam quidem orationem intra scholarum parie-
tes Urbis totius celebritate habitam, in Solem & pulue-

rem mihi (quod dicitur) orbis vniuersi proferre cupienti, pro meâ perpetuâ consuetudine dedicandi res similes patrocínio & meritis alicuius præclari viri, eâ ipsâ in ratione, quoad eius fieri posset, proximè conuenientis, Tu solus occurrebas, cui tantum honorem, vel meum committerem, vel haberem tuum.

Ecquis enim Pontifici propior, quàm è Sacro Collegio Purpuratus? hominum doctrinâ polloquentium fautori, quàm omnis literaturæ gurgis, & signifer? Leoni denique, cuius asciuit, Ioannes alioqui Medices, generosam appellationem, quàm ex tot retrò seculis natiua Pallauicinæ familiæ atque gentilitia, nihilò syluarum & quadrupedum tyranno inferior, aëris Aquila & volucrum imperatrix? Hic omninò locus foret opportunus vtriusque prærogatiuas inter se committendi. Facerem utique, nisi breuitas epistolæ dissuaderet, vt quâ Medices triplici proprietate Leonis summam in homines potestatem fuisset consecutus, tot ac tantis ex Aquilæ naturâ vel etiam pluribus desumptis priuilegijs, tu Pallauicinus æqualis imperij dignissimus esse censereris. Satis ostendit ALEXANDER commune iudicium, diuinæ sapientiæ Pontifex, dum fugientem honores, quos iam reliqueras amplissimos, recusantemque gloriam, quæ tamen semper, tanquàm vmbra virtutis, te sequi volebat, è priuatâ cellâ protractum nuper in curiæ luce, pullâque indutum veste Diui Ignatii sectatorem, in togæ splendore conchyliatæ, Patrum Conscriptorum sodalem, atque adcò fratrem suum, non sine ingenti omnium ordinum, ætatum, generum lætitiâ & gratulatione, iussit eminere. Et verò maxima tua & immortalia in Sanctam Sedem studia

dia atque merita, nominatim recentes Vindiciæ Concilij Tridentini iamdiù expectatæ, sic à te celeriter contextæ, tanto applausu gentium, quæ vbique sunt, lectæ & receptæ, prouocauerunt ad remunerandum quàm simillimo munere non inuitum.


Lupum in oratione Leonis vocaui Lutherum: pari ratione naturalis odij, quod est aquilæ cum serpente, conuiciatorem illum Suauem, Cynæo melle virosiorem, iustissimè licebit, opinor, appellare draconem. At serperastrorum soboli seu lippæ, seu cœcutienti remedium, quæ est reginæ Auis charitas, si consanescere volet, ab ipsius felle promptum exhibetur. Id enim ad quamuis caliginem oculorum prodesse illitum docuere medici magni nominis. Atque hoc ab atramento voluminum tuorum, amaro quidem illo, sed salubri, vti res iam cœpit ire, cumulatè sperare decet.

Sed vel merâ veritate, quam de teipso tectam velles, certè non laudatam, nimis offendo modestiam tuam: ad me reuertar, & reddam hac reliquâ parte causam dedicationis meæ. Quæ profectò, cur tibi potissimum exilis ingenij qualemcunque partum inscriberem, non vnâ extitit. Multæ me ad id, & necessariae rationes impulerunt. Illa communis primum, debiti repræsentatio, quo me sodalitas doctissimorum hominum (quos ab excellenti pietatis expressione vocant *Iesuitas*) à puero deuinctum tenet, propter eruditionem literarum (nam in his *Quod placeo, si placeo*, vt cum Horatio loquar, *eius est*) vt apud te, totius thesauri veluti Quæstorem, cum professione gratiæ ex aliquâ parte deponeretur. Tum excitauit altera rei tuæ domesticæ propior, quod ante viginti annos

Londini, quò venerat Catholici Regis de rebus grauissimis extra ordinem missus cum Veladæ dynastâ Legatus, ob recentem vsu familiaritatis cum eo mihi in Hispaniâ contractum, potui summâ felicitate meâ Virgilio Maluatio, auunculo tuo, clarissimo viro, nauare totis decem mensibus operam interpretis. Neque verò, quod ago iam hîc Romæ, minimum præbet argumentum. Siquidem Bernardino Cardinali Spadæ, domino meo, ita vis cupisque, pro eius eximiâ suauitate morum, ac studiorum similitudine, vt alteri tibi,

Denique, vt in vnum concludam omnia, causa præcipua & peculiaris, constanstua & perspecta in me amando voluntas, æstimandoque tricas meas, debet esse. Quid enim non exaggerâsti pluribus verbis, cùm proximè salutandi gratiâ te adirem? illud præterea secretò dictum mihi, quod in sinu teneo & foueo, nè per rimam vsquàm effluat, Deus bone! quantos animos adiecit? Quamobrem habebis, EMINENTISSIME PRINCEPS, hunc à me vicissim honorem & cultum hac qualicunque nominis tui commendatione persolutum: neque tam, quid Amplitudini tuæ conueniat, quàm quid præstari ab homine possit curtæ suppellectilis, expendes. Vale.

R O M Æ, è Musæo meo, 16. Kal. Mart. MDCLX.




IN EFFIGIEM

SFORTIAE CAR. PALLAVICINI.

NVllus in ore color: conuestit pur-
pura corpus:

Mira fides! tinxit nullus in ore
color.



PAVL.

PAVLVS IOVIVS
in vit. Viror. illustr.



LEONIS DECIMI virtus haud dubiè ad salutem humani generis auream aetatem condiderat : cum nos statim ab optimi Principis excessu verè ferream pateremur : adeò ut , cum fatali errori nostro barbara vis , cades , cruciatus , pestilentiam , famem , vastitatem , & dira malorum omnium incommoda nobis attulisset ; litera in primis eximieque artes , & rerum omnium copia , communis item salus , & publica hilaritas , & denique bona omnia tanquam eodem sepulchro cum

LEONE

condita lugerentur .



EPITAPHIUM.

Delicæ humani generis , LEO Maxime , tecum
Vt simul illuxérè , interièrè simul .



ORA-



ORATIO.



PRÆCLARE fanè, ac prudenter, vel, vt ab huius dignitate loci mutuer verbum, dicamquè significantius, à maioribus nostris diuinà quadam sapientià prouisum est, quem beneuolum in vitâ, prolixumquè ipsi supra hominem experti cognouissent studiorum & otij sui fautorèm & penè parentem, eiusvt Principis morte abrepti recurrens memoria, non secus ac præsentis alicuius numinis, anniuersario sacrificio atquè laudatione, eo ipso in templo quotannis, quod ille Scholis. extrui finitimum voluit, à gratâ Dóctorum posteritate celebraretur. Is est LEO, quod iam profectò me tacente scitis, A VDITORES, istius quidem serie nominis Decimus, cæterùm inter Pontifices, quotquot Maximi recensentur, nulli nequè ingenio, nequè optimis consilijs, nequè religione, nequè liberalitate, nec omnino gestarum gloriâ rerum secundus. Ac tantò mihi videtur meherclè prouidentia maiorum illustrior, magisque prædicanda, quod cam ceremoniam ineunte vere itatam ac solennem perpetuò esse decreuerunt.

Enimuerò naturam hominis inter & ingenium

agrorum mira conuenientia intercedit. Ità nimirum, quatuor aetates percurrere, quas uiuimus, egregiè physicorum gnarus Hippocrates, totidem illas anni tempestatibus proportionè scripsit respondere. Sed omiffis alijs breuitatis causâ, uerum tempus attendo potissimum, vndè instituto sermoni apta, hæc duntaxat in parte, reddatur analogia. Nam sicuti nunc terra nouo Solis accessu tepefacta geniali & auido gremio sparsum semen excipit, messè postea grandi fœnore paritura; simillemè sanguis vniuscuiusque nostrum, totus aded corporis habitus, ad imitationem Telluris matris, ex intimis penitus medullis atquè præcordijs effluens beneficio- rum recordatione talium ac tantorum, vires mentis excitat in conspectu vel adumbrati Solis huius Academiae, ad gratiæ debitæ fructum quàm cumulatissimè referendum. Hoc agamus igitur, Auditores, bono die, lato ipsi, tristi nobis & ærumoso, iunctis vocibus & animis concordissimis; &, si maxima eius in nos omnes atquè immortalia merita minus assequi prædicando possimus, esto satis, qui mos etiam Superis placere consuevit, agnouisse confitendo. Nec verò exigua solutio putanda est aperta professio & voluntaria. Aut in LEONE magis regium censerì debet minuta accipere, quàm largiri magna. Clarissimum præbuit specimen Artaxerxes, qui profluentem aquam à rustico oblatam æquissimo animo rex admisit. Nos pias lachrymas, quouis humore tributum haud paulò purius, clementissimus Pontifex quomodò fuerit, quâ inclinatione voluntatis accepturus, vllâ ratione dubitabimus?

Itaque certâ fiduciâ tolerantia sacri vel Antistitis vel Herois, ad illam reuoluor laudum eius partem reliquarum, quas anno superiore sub hunc diem in extremâ oratione de quo habitâ leuiter perstrictas, & intento solum digito commonstratas, pollicebar alijs deinceps sermonibus me fusiùs prosecuturum. Dicam hæc, dicam ista, dicam illa, dicam alia multò his adhuc & gloriosiora & mirabiliora, tùm iactabam plenis buccis, theatri securus

curus atquè campi, si rectè meministis, vt facere vide-
mini, Auditores; præproperâ locorum occupatione,
tam inusitatâ frequentîâ, tantâ audiendi cum summo si-
lento coniunctâ cupiditate, magnum certè quiddam,
nouum, & reconditum expectantes. Quæ nè spes vos
fallat, cum omnia fuerint in eo viro propè singulari verè
cœlestia, nisi culpâ facultatis & ingenij mei deterantur,
operam dabo diligentem. Pudet enim Dosobis agno-
men subire, quo Demetrij nepos olim apud Græcos po-
pulari ioco dictus est Antigonus, ex eo, quòd benignè
promitteret omnibus, parùm deindè sollicitus, quæ re-
cepisset, exoluendi cuiquam. Mouet me quippè illud,
obstringitquè fortiter, quod in iurisperitorum inclu-
ditur formulis, Christianæ verò præceptis religionis ha-
betur sacrosanctum, Promissio boni viri.

Signa iam atquè prodigia raræ cuiusdam de cœlo lap-
suræ virtutis, ortum Leonis antegressa, cum proximè di-
ximus ex hoc loco, habuistis; suscepto in lucem non in-
fanti minùs ob speciem augustiorem humanâ, quàm pa-
rentibus, illius causâ, benedixistis; è prætextâ pueritiæ
direxi ephebum ad virilem togam, per singulos ætatu-
læ gradus indolem eximiam collaudastis; ab adolescen-
tiâ (seruare placet medicorum tempora curriculum vi-
tæ sic diuidentium, quòd res incuriat maiorem admiratio-
nem) ab adolescentiâ, quæ terminatur vicesimo quinto
anno, annusquè hic statuitur ipsis augmenti finis; corpo-
ris id quidem fortasse, sed in huiusmodi hominibus non
item animi, nequè honorum, aut gloriæ sumptâ, in-
quam, purâ togâ duxi ad iuuentutem, hoc interim spa-
cio tum propria ipsius, tum fortunæ bona cum veluti ple-
nâ manu opprimentis, suspexistis; indè promouî altero
decennio ad viri statum, quem isti vocant floridum &
consistentem; tot ibi rebus præclarè gestis Achillem, tot
extricatis summâ cum prudentiâ difficultatum nodis Ne-
storem, tot incommodis exantlatis, partim etiam felicif-
simè repulsis diuturnæ peregrinationis, Vlyssæ proclâ-
mastis; duobus post annis, ætatis videlicet septimo &

trigesimo tantum, cum eundem propter luculenta multa & incredibilia merita prouexissem ad orbis vniuersi imperium, id est, ad Romani Pontificatus tiaram, tum verò defixi miraculo & stupefacti ab omni seculorum memoriâ inaudito, sacrâ veneratione cohorruiſtis. Quid si diuinâ in tam sublimi fastigio, conceditâ illi cœli ac terræ supremi Reſtoris potestate, dicta factaque minimâ ex parte declarâſsem? credo, vt eratis tunc affecti, dissoluto plusculum spiritu præ dulcedine narrationis prorsus animam egissetis.

Ventum est ad periculum, Auditores; eodem recidimus: sedent ex aduersâ ripâ Sirenes, prætentant chordas, vibrante gutture (quod facile est discernere) secum nescio quid remurmurant, parantur ad cantum: Fugendum, fugendum ocyùs velis equisque; nauis æquato remorum impulsu scopulos insidiosos præteruehenda est; ars & cera contra lenocinium quærenda. Vlyſſea; aures obturandæ. At parcite tamen sollicitudini huic tantæ: obiecit mihi sese alia via securitatis; vester ego dux & guberuator ero inter Scyllam & Charybdin, orationis cursum aliò, tanquam nauigationis, deſectamus. Quamobrem quod de rebus cogitabam amplissimis largiter efferre per Principatum sanctè ab eo prudenterq; transactis, id in gyrum solius nominis, cur scilicet LEONIS appellationem, statim vt Patrum Conscriptorum cunctis suffragijs Pontifex Maximus est factus, vnicè delegerit, includam. Curiosæ certè multæ & commemorandæ notiones in eâ disquisitione continentur. Hinc porrò virtutes regias omnes, vt ab igne flammæ, & radios à Sole, videbitis existere. Quod ordine vt fiat, delectetq; impensius, à capite quædam erunt arcessenda. Reuocate animum ad memoriâ iustorum funebrium superioris anni: subibit facillè recordatio somnij portentosi, quod in Reparatæ templo fecisse Florentiæ. Claricem Vrſinam narraui lectissimam fœminam, eius matrem. Ea sibi pleno iam vtero miræ Leonem magnitudinis & lenitatis nullo labore parere visa est. Quod postcâ somnium

ex nutricum fabulis, vt fit, cùm ingenio puerili adhæ-
fisset, anſam nominis ſine dubio, laudum maximarum,
quas affectabat, fouebatquæ in pectore, certiffimi indi-
cis, Ioânni antè vocato præbuit. Præterquàm enim quòd
Romanis Pontificibus is mos ratus atquæ ſolennis iam in-
dè ab alterius Sergij vetuſtate ſemper fuit, acceſſit inſu-
pèr alia cauſa præcipuè ipſi concupita, notâ vt aliquâ de-
clararet, tacitâ quidem, ſed eruditâ, naturam ſuam. Nam
quid eſt, aut excogitari magnum vſquàm poteſt, tam
amplum & nobile, tam clemens ac liberale, vigilans,
moratum, induſtrium, quid deniquè tam excelfi animi
& inuicti, quod prolata Leonis voce, non eodem ſimul
tempore loquentibus obuoleretur?

Vitioſitatem omninò nullam, complures autem & ra-
ras prærogatiuas admirandæ præſtantiæ conſignauère,
literis de fortiſſimo atquæ generoſiſſimo animalium,
adeoque rege omnium Leone, qui res à naturâ inuolutas
perſcrutantur. Iſdemquæ, cùm omnia depromplerint,
adhuc tamen vociferantibus ſuperèſſe maiora, termina-
tur ferè præconium huius belluæ ſic, eam vt ſolam cuius-
libet virtutis quaſi figuram ponant Ægyptiam. Ità in-
genium ſolent extollere, fortitudinem corporis, largi-
tatem animi, iuſtam iram, lenitatem, prudentiam: tum
illa decantant grandiori tubâ, quàm ſit iniuriarum me-
mor, & pro culpæ modo vindex, quantæ abſtinentiæ in
potu atquæ paſtu, qualem vſquæ vigilantiam toleret in-
domitam & aſſiduam, vt apertis ſemper oculis dormire
videatur. Demùm infinitis præterea diuitijs cœli beni-
gnioris, ac dotibus illi inſitis & annexis, quas pro impe-
ratâ breuitate longum eſſet enumerare noſtri laudes ad
LEONIS feſtinanti, non complent modò vtramque
paginam, verùm etiam producunt, totos libros. Vnum
tamen præterire, plenum iudicij & rationis, quod Pli-
nius tradidit locuples author, nullo modo poſſum: quip-
pè enim ſola hæc affectio, ſi mòx in contentione vtriuſ-
que maximè LEONI conueniſſe Pontifici adductis exem-
plis oſtendero, nimium quantum valebit ad augendam
de

de illo opinionem. Quid ait? quæ variè sparsa leguntur, vnâ collectione subiiciam. Quid ait ergò? Generositas animalis inter pericula deprehenditur præcipuè. Leo vulneratus obseruatione mirâ percussorem nouit, & in quantalibet multitudine appetit inuentum. Eum verò, qui telum iaculatus non læserit, correptum immani rictu raptat occisuro similis ad terrorem, nec offendit. Ex feris clementia soli obtrigit in supplices, prostratis parcat. Atquæ hæc Plinianâ fide, verbis, vt locos conciliarem, meis.

Vestrum ego nunc depono sensum cogitationemquæ, Auditores; vtrùm ista ferina siue præsidia, siue ornamenta, si in aliquo vno homine collocata cerneretis excellenter eminere, non eum inter cæteros, qui vel pauca fortitus esset, principem; qui plura, regem; qui vniuersa, imperatorem; qui adhæc alia decora nactus longè sublimiora, quendam, vt ita dicam, terrestrem Deum putaretis? At in LEONE Mediceo huiusmodi lumina congesta supra modum & illustria fuisse fateamini comparando necesse est. Agedum, ite mecum per singula. Sed quoniam coarctor ad expediendum, tum iussu moderatorum, quibus obsequi debeo, tum fastidij metu vestrum omnium, quos & retinere cupio & dimittere contentos, longiusquæ hoc esse negotium videtur, quàm vt tam angustis orationis hodiernæ spatijs possit includi; Ptolemæi faciam more sectatorum, qui dum aptam per figuram totius coeli situm ponere volunt in prospectu, quatuor cardinum designant stellas, quandoquæ etiam vno tantum ex angulo quod relinquitur, obiectâ quasi Timantæâ tabulâ, satis habent indicare. Itaquæ paucas ex infinitis virtutibus libari conueniet, quæ sint pontificiæ amplitudinis, hoc est, Deo in terris proximè maiestatis propriæ, quarumquæ velut extet in turba nitor & emineat, vt ex ijs cæterarum coniecturam, & existimationem informare possitis.

Virtutes in Principe commendantur à politicis philosophis maximè tres, Pietas, temperantia, mansuetudo, seu

seu eum adeundi facilitas: quas artis canona regiae iidem appellauere. Nos in Pontifice volumus eas altiorum generum esse partes; quibus praeditum regibus illum decet tantò magis excellere, quantò antestat potestate. Non longè ab eo: syluam Leo suppeditat, vnde quamuis magnam copiam licet decerpere. Sed ternæ virtutes, itidem vt illis, erunt nobis satis; quas etiam splendido nomine decorabimus, & catenam Platonis, quæ cælum cum terrâ coniunxit, contra istorum canona, Polycleri intellectam regulam, non absurdè dicemus. Quænam tandem sunt istæ? magnanimitas, eadem mansuetudo (sed significatione mutatâ nonnihil, vt misericordiam vocaueris rectius) postremò vigilantia. Hæc, quid istuc audio? inquiet aliquis: itanè verò, pietate maius atquè temperantiâ vt in supremo religionis antistite statuatur quidquam? Ego verò non statuo, reputo citius ijs quasi gradibus ad Pontificatus apicem peruenisse. Id quod etiam satis, vt opinor, aliàs ostendi. Ad caput enim magnanimitatis retuli vtramque cum Aristotele quasdam veluti differentias. Quoniam igitur vnâ excellentissimam Leonis dotem in nostro Principe vberimis tum exemplis eluxisse monstratum est, quâ summos ad honores præmaturè aspirando, quâ munera grauissima reipublicæ vel suæ, vel Christianæ totius gloriose sustinendo, quâ se audacter obijciendo periculis, quâ viriliter tolerando diutini poenam exilij, tum innumerabilibus beneficijs quoquouersùm dispersis in homines, tum nullis simulationum inuolucris aut recessibus occultæ mentis, eo deniquè vultu in omni fortunâ, vt nunquam à statu generosæ indolis discedere visus fuerit, nunquam à dignitate sapientis; illam partem de tribus, actum agere metuens, silentio prætermittam in præsentia, mansuetudinis & vigilantia laude quantùm præstiterit, quàm similem se Leoni gesserit ac geminum, persequar, sicut erat propositum, deinceps.

Atquè illa prædicetur lenitas primùm, quam somnauit eius mater, cæteri verò mortales rem solidam & expref-

pressam viui (quod dicitur) & videntes ingenti suo bono compererunt. Siquidem amicis exhibeatur, & de nobis non pessimè meritis ea benignæ propensio voluntatis, erit iure celebranda; si post grauem offensionem ad hostes etiam incubuerit, non celebranda solum humanis verbis, sed honore propè diuino consecranda. Cuius eximæ virtutis cum in Pontifice re peræquè, vt cognomine Magnanimo, exempla suppeditant varia, & insignia, tum vna coniuratio fidem plenissimè facit Petrucciana. Quid enim? ô placabilitatem admirandam, incredibilemquè remissionem! quid aliud cupiebant furiosissimi homines (nota est historia) quid machinabantur, quid anhelabant, nisi vt Romanæ Sedis maiestatem, sanctimoniam religionis, literaturæ columen, beneficentiæ asylum, exemplar liberalitatis eodem nefario parricidio, si fortè contigisset, omni doctrinâ & virtute ornatissimi Principis sepelirent? Ipse tamen extremo supplicio sumpto de Alphonso Petruccio, tanti sceleris authore a tunc antesignano, cum duobus seruis post corporis lacerationem peracerbam infami trunco suspensis, vltum se abundè ratus, conscijs reliquis promptissimè poenam mortis, primarijs viris, supplicibus & prostratis, impositâ pecuniæ vel exilij tantummodò mulctâ, condonauit. Vultis clementiæ documentum, Auditores, luculentius? ex nullis certè nequè ego annalium monumentis eruere aut legere, nec vos alicubi audire, nequè mundi Soloculus vlllo circuitu gentium ac regionum aspiciere maius, vix par aut simile, vnquam potuit.

Quod cum ita sit, & diffiteatur nemo, verum pedibus tam libenter in sententiam quilibet ierit; quæso, vt parcat inutiles viæ, atquè ad expendendam potius eiusdem mirificam vigilantiam, quæ laus similitudinis ponebatur tertia, fiat gradus. Nolim intelligi, dum vigilem dico, quasi corporis apertis oculis magis, quàm intentissimâ mentis acie in omnes partes excubârit. Alia longè hominis & belluæ profectò ratio est. Haudquam enim similitudo præsens tam imaginem habet, quàm

quàm collationem. Nec verò labes huius animalis atq; necessitas quantumvis præstantis ad clarissimam sanè virtutem primi Sacerdotis maximequè voluntariam traduci debet. Nullo tempore dormire prorsus feram videri, id est, somnum arctum capere, liber memorat is, qui circumfertur incerto auctore, de naturâ rerum causam esse scilicet, quia oculus illi magnus contigit, & pellicula incumbens curtior, quàm vt orbem tegere totum queat: rectè fieri autem in cæteris animantibus iudicandum, quando palpebræ inter se commissæ fuerint, ac veluti obsignatæ. LEO Pontifex, si quisquam alius, ad vnguem vsquequaque factus, & apprimè conformatus, quicquid fecit, sponte & voluntate faciebat suâ, nullâ vi, nisi conscientia officij, astringente. Vt mihi certè de totâ re acrius subindè cogitanti, tum de hoc gloriæ & felicitatis humanæ, nè dicam, beatitatis altissimo fastigio, tum de illo, quicumque singularibus promeritis tantum sibi gradum subiecisset, per & scienter & appositè videantur nostri patres, sanctissimi viri, maximo eidem, quem nos vocamus promiscuè cum falforum Deorum priscis cultoribus, Pontifici, summi pastoris & episcopi nomen imponendo, decreuisse. Quâ voce utrâq; rectoris auditâ, regnum ipsum non iam dignitatis autotij nomen esse comprehenderit quispiam, sed seruitutis atquè curæ. Quid pastorem constituit tandem? nonnè ouile, ac numerati pastio gregis? quid episcopum? an non statio permanens in custodia eiusdem gregis, tanquam in speculâ, contra prædonum incursum, & luporum? Significabit plus fortassis pastor populorum appellatus rex aliquis Homericus, aut magistratus ille Atheniensis à prospiciendo dictus, quem & Harmosten Lacedæmonij, & Consulem Romani, nisi me fallo, vocauêre; imò nobis congruenter, sacerdotum præfultori Plutarchus in Numâ, suæ linguæ retinens, episcopi verbum accomodauit; quàm præfectus Christianis sacris, auctorquè & magister secundum Deum publicæ religionis, titulis ijs ipsis insignitus? qui

hoc

hoc putet, multò minùs qui velit affirmare, tam incon-
sultum ac temerarium equidem credo inueniri nemi-
nem. Benè habet: iactis fundamentis, assurgeret inde
exadificatio facilis illius, quam viris in insulis virtutem
theologi cum vniuersis, tum præcipuè tribuunt omnium
coryphæo peculiarem & vnicam, vigilantia. Huius
vocis cum latitudine noticiam haud inculco ampliùs:
quem sedulum, quem attentum, quem sollicitum, quem
animo, claudat licèt oculos, excubantem & erectum
cognoritis, eum vos hominem laudis tam diuinæ maxi-
mè participem censerote:

Videor me iamdudum, Auditores, expectationem
vestram tenere suspensam; scio, quorsum spes inclinet,
ac voluntas singulorum: lucidissimam istam gemmam
pontificali vt insertam diademati, & historiae fide conte-
statam, in Maximo LEONE representem. Geram mo-
rem honesto planè desiderio, amoriquè nescio in illum,
an in me ipsum propensiori: ità hætenùs, quicquid hoc
esse potuit orationis, collatis studijs, totquè beneuolen-
tiæ non vulgaris, atquè vrbaniissimæ humanitatis illu-
stribus indicijs excepistis:

Commodum LEO Christiani rectoris imperij nauim
ad gubernaculum accesserat, cum magnæ vndiquè tem-
pestates seditionum & discordiarum vel domesticæ vel
externæ, magistri noui veluti artem tentaturæ, surrexe-
runt. Bellum quidem ceptum iam & accensum offen-
derat per Italiam, dissidentium inter se regulorum fa-
ctiones Gallo & Hispano, Germano item ac Britanno,
prout in hac quisquè illamque partem affectus erat, per-
petuis copijs fouentibus: quomodò se habuit inter flu-
ctus communis parens, atquè gessit? sedit oscitans, cre-
do, & dormitans, rumorum & periculi dux securus:
imò verò totà mente in eam curam dies noctesquè incu-
buit, vt potentissimos Europæ reges Legatorum suo-
rum operà conciliatos ad inferendum aliò bellum auo-
caret. Quod & consecuturus propedièm videbatur ad-
uersus tyrannum Othomannicum, nisi Maximiliani mors

Casa-

Cæsaris infelici quodam fato transuersa incurrisset. Illud obtinuit saluberrimâ consultatione quidem certè, vt eie-cto armorum igne concordia Principum, paxquè patriæ remaneret.

Transco ad extera. Selymum ea tempora habuere Turcarum imperatorem; & suopte ingenio præferocem hominem, & victoriæ licentiâ, nouisq; vsquè successibus insolentem. Is enim duobus Memphiticis regibus acie nuperrimè cæsis, Syriam; quemadmodum paulò antè fuso victoque Hyfmaële Persarum Sopho, Assyriam, & Persidem, maioremquè Armeniam imperio suo adiecerat; iamquè Pannoniæ prædabundus, vltimo Christiani orbis propugnaculo, atq; adeò ceruicibus & iugulis nostris imminēbat. Hic enimuero cernere erat impijs barbari conatibus oppositam LEONIS, vt vniuersalis episcopi, cum diuina prouidentiâ, & commemorabili pietate mirificam pugnam. Non signa contulit, non conferuit manum: id erat vulgare nimis, atquè vsitatum: sed cælesti genere præliandi vsus, quippè qui vicariam Dei Fortis gerebat potestatem, vi precum & sacrificiorum cum vsquè à Româ, tanquàm missorum balistâ fulminum, repressit. Nam horribilis canceri strumâ, vt credere iustum est, ab alto inflictâ post aliquot dies miserè exesus & absumptus, filium reliquit commodiorem. Speculatorem vidistis è pharo Sanctæ ciuitatis diligentem contra prædatorem; pastorem nunc eundem è septem Montibus contra lupum accipite vigilantem. Odium intercedere Leoni cum thoë capitale ac penitus insitum (thos autem forma quædam in lupino genere dicitur valde mordax) scriptores narrant ij, quos adduxi supra. Præclare cum primis hæc naturæ quoquè condicio LEONI nostro conueniet, siquidem veræ & auitæ adulteros fidei; siuè cudendo hæresin aliquam nouam, siuè sectando, iure ac meritò lupos licet appellare. Talis omnino, Cerberus ille, funesta fax ac fatale prodigium, desertor partium, & Catholicæ transfuga religionis Lutherus extitit; insidiator occultus primum & intestinus

Ger-

Germani candoris, pòst etiam sanctitatis Romanæ, re-
cti cultus in Superos, sacrorum, & ceremoniarum pa-
rentis ac magistræ, longinquus hostis & apertus. Dete-
xit è vestigio bonus custos cuniculos LEO, mouit om-
nem lapidem aduersus nefarium raptorem, quacunque
ope poterat tum priuatâ, tum alienâ, fugitium vsquè
ad viuam cutem persecutus est. Quo factum, vt post
excussum diræ diplôma deuotionis tanto loci interuallo
in scelestissimum caput, Carolum Augustum deindè
præsentem induxerit, coacto concilio procerum vtriuf-
que ordinis apud Vormatiam urbem, non vt perfidi fu-
rorem hominis modò castigaret, atquè petulantiam, ve-
rùm obsceni quoquè oris, foetentiquè pectoris semico-
ctas vomitiones, eius videlicèt famosos libellos, vt mo-
ribus ac religioni pestilentes, manu iuberet carnificis in
medio foro concremari. Luculentum planè testimoniū,
dignumquè Cæsare, datum censorio iudicio Pontificis!

E trium itaque virtutum expositione maximarum,
tanquam è compendiarario freto (nam vastum illum cun-
ctarum laudum Oceanum perhorruì) tandem in por-
tum, beneuolæ prouecta concionis aurâ, enauigauit ora-
tio. Vos, vos, inquam, mihi, Viri humanissimi, de
materiâ supra vires qualicunque modo differenti, & fe-
cistis animos, & feliciter aspirastis. Pro quâ quidem
officij plenâ voluntate maximas vnique ago gratias,
maiores etiam habebo semper. Dixi de ornamentis
duntaxat animi, istquè paucis, & ad temporis, & iciu-
nitatis meæ angustias indignè habitis & contractis: quòd
si lineamenta pariter corporis quædam attexere licuisset
eximiâ venustate conspiciendi, næ ista prima virtutis
præconia in natiuo vase atquè receptaculo suo, perindè
atquè pretiosæ gemmæ in auro obryzo illigatæ, si minùs
efficacitate sermonis, at certè ratione sodalitij commen-
data, longè magis resplenduissent. Quorum tamen
summam ex particulâ, quam subijciam, volo degustetis.

Erat enim LEO cum formâ, tum specie, tum staturâ
deniquè appositâ omni ad venerationem. Proceritas illi,
qua-

qualem Heroibus ferè pictores affingunt, excelsa constabat: habitus corporis succosus potius, quàm pinguis, & quidem per artus singulos gratà proportionè diffusus: teretia directaque crura: manus candore figuraquè niuæ, & quasi tornatæ: vna capitis amplitudo cætera, membra enormi propè excessu, nec tamen aliter, quàm velles, superabat. Ex ore suauitas afflabatur tanta, nihil vtrà: cælij oculi, & admodum acuti: nasus leniter decliuus: turgidula labra: quid loquar de vultu toto, de voce, de gestu, de incessu? plenissima cuncta maiestatis.

Vndè mirum profectò non debet videri, vel quòd euoluto pueri natali die planè fortunato, liberalissimaquè personæ inspectà specie, Marsilius Ficinus, nobilis physiognomon illius temporis, sacrorum ei principatum, cum nullis dùm inijs esset, sacer, prædixerit: vel quòd ipse tam præclaris munitus optimæ naturæ præsidij iam Pontifex Maximus à Senatu Populoquè Romano marmoream statuam cum elogio post conditam Urbem honorificentissimo, propter incredibilia & perpetua merita atquè beneficia in omnes ordines, meruerit solenni decreto dedicatam in Capitolio, ad memoriam, postèri temporis sempiternam. Proferatur exemplum sanè perdisertæ inscriptionis, palamquè hoc loco recitetur.

OPTIMO PRINCIPI LEONI X. MEDICEO IOANNI, PONT. MAX.

Ob restitutam instauratamquè Urbem,
aucta sacra, bonasquè artes, adscitos
Patres, sublatum vectigal, datum con-
giarium S. P. Q. R.

Prò Deus immortalis! quantum bonorum quàm paucis verbis modo Chilonio comprehensum! Voces singulae, nè dicam facta, singulis orationibus benè longis duci

duci mediùs-fidiùs & extolli à Cicerone aliquo vel Demosthene pro dignitate deberent. Ego, quod ad me attinet, supra infraudè titulum pulcherrimi monumenti cùm habeam nihil, quod adiungam, summèque cupiam in eo pro coronâ finis consistere, rapior tamen retrò, & adhæresco tantisper ad illa verba; Ob instauratam Urbem, auctasquè bonas artes.

Hîc res agitur vestra, *Patres*: hîc vos etiam, *Doctores*, designati estis. Alteris Urbis restitutæ primam partem, quam equidem interpretor esse hanc florentissimam Academiam, demandata moderandi cura est, quod sit & acriter & diuinè; alteris reipublicæ benè constitutæ primum munus, sine quo nè resp. quidem possit esse, scilicèt ad optimos mores & disciplinas eruditionem iuventutis, quod præstari etiam diligenter & studiosè video mirari gentes omnes, labor inibi sustinendi. Maçti estote vtriquè sollicitudinis istâ & virtutis laude singulari, tantiquè auctorem honoris & gloriæ vestræ, dignâ memoriâ atquè celebratione, assiduâ priuatim quidem & decen- te, publicè verò magnificâ & annuâ, prædicando amissum, vt facitis, recognoscite LEONEM. Hortarer etiam ad dolorem continuum, & ad planctum, & lachrymas, propter iacturam vnius post homines natos longè optimi Principis, & liberalissimi Patroni, nisi hodierno die, longo interuallo ALEXANDRI successio impediret. Regnat ALEXANDER, regnetquè precor Nestoreos annos, vt nomine æquè magno, sic & pectore, & animo ad res gloriosas Maximo in æuum omne Pontifex decantandus. De cuius admirabili sapientiâ, pietate, doctrinâ, grauitate, vigilantia, &, quod huius loci præcipuum est, erga Collegium nostrum ardenti studio, ac sumptuosâ largitate, scitius est nihil, quemadmodùm in- quiebat ille de Carthagine, quàm parùm dicere. Nec verò opus est verbis, vbi testimonia tot rerum, tamquè illustria loquuntur. Urbs decorata clamat; re-
din-

dintegratus orbis vociferatur vniuersus . Concludam
ergò cum LEONE . Quod in Circo iactabatur olim ad
supplicium & infamiam nocentium & miserorum, id
nunc, omniquè ætate consequenti, siqui scientiæ, re-
ligionis, & vlliùs omninò ornamentum honestatis adi-
pisci volent, hâc audient ex Palæstrâ permutatum in
gratię decus & honoris conclamari, AD LEO-
NEM.

D I X I:





Admodum R. P.
SFORTIAE PALLAVICINO,
 E SOC: IESV THEOLOGO EMINENTI,
 nunc S. R. E.

EMINENTISSIMO CARDINALI,

Sacrofancti Concilij Tridentini
 propugnatori acerrimo.

M. D C. L V I.

EPIGRAMMA.

A sferis historiam, divini codicis auctor,
 Qua fuerat profugo fabula spurca Syro.
 Iamquæ Tridentini comitia sancta Senatus,
 Nil momum rabidum fraude iuvante, patent.
 Gratatur pia Roma sua, te vindice, sorti:
 Acclamat pugilem primus in orbe Pater.
 Scilicet exhaustis tanti est pallere medullis,
 Dùm tuis hostili sederis ore rubor.

F I N I S.